

ხელშეკრულება N ს/169
სახელმწიფო შესყიდვის შესახებ

ქ.თბილისი

17.07.2019წ.

შპს „**ბლექ სი არენა ჯორჯია**“, შემდგომში მოხსენიებული, როგორც „შემსყიდველი“, წარმოდგენილი დირექტორის ტარიელ ხარჩილავას სახით, და შპს „**ტელკო სისტემს**“ შემდგომში მოხსენიებული როგორც „მიმწოდებელი“, წარმოდგენილი მისი დირექტორის ირაკლი გულიაშვილი სახით, მოქმედნი საქართველოს კანონმდებლობისა და „სახელმწიფო შესყიდვების შესახებ“ საქართველოს კანონისა და „სახელმწიფო შესყიდვების შესახებ კანონის“ მე-3 მუხლის პირველი პუნქტის „ა.თ“ ქვეპუნქტი და „შპს „ბლექ სი არენა ჯორჯიას“ მიერ საქონლისა და მომსახურების შესყიდვების სპეციალური წესის დამტკიცების შესახებ“ საქართველოს მთავრობის“ 2019 წლის 10 ივლისის N320 დადგენილების საფუძველზე, ვდებთ წინამდებარე ხელშეკრულებას (შემდგომში - „**ხელშეკრულება**“) შემდეგზე:

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
2. მიმწოდებელი იღებს ვალდებულებას კეთილსინდისიერად და ჯეროვნად შეასრულოს ხელშეკრულებით ნაკისრი ვალდებულებები.
3. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება, ხელშეკრულების პირობებში ასახულ ვადებში და ფორმით.
4. „მხარე“ ნიშნავს შემსყიდველს და მიმწოდებელს.
5. „მხარეები“ ნიშნავს შემსყიდველს და მიმწოდებელს ერთად.

ყოველივე ზემოაღნიშნულის დასტურად მხარეებმა გავაფორმეთ წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მუხლი 1. ტერმინთა განმარტებები

- 1.1 „ხელშეკრულება სახელმწიფო შესყიდვის შესახებ“ (შემდგომში ხელშეკრულება) - ნიშნავს შემსყიდველს და მიმწოდებელს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ ნიშნავს წინამდებარე ხელშეკრულების მე-4 მუხლის 4.1 პუნქტში მითითებულ თანხას, რომელიც შემსყიდველმა უნდა გადაიხადოს მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „შემსყიდველი“ ნიშნავს „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ა“ ქვეპუნქტით განსაზღვრული სახსრებით განმახორციელებელ პირს.
- 1.4 „მიმწოდებელი“ ნიშნავს პირს, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ.

მუხლი 2. ხელშეკრულების საგანი

2.1. წინამდებარე ხელშეკრულების საგანს წარმოადგენს შემსყიდველის მიერ მიმწოდებლისაგან, ხელშეკრულების ღირებულების ფარგლებში, ქსელის კაბელის შესყიდვა (CPV44321000), დანართი N1-ის შესაბამისად.

2.2. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით განსაზღვრულ ვადებში და ფორმით.

მუხლი 3. საქონლის მიწოდების ვადები

3.1 საქონლის მიწოდება განხორციელდება ხელშეკრულების გაფორმებიდან 5 სამუშაო დღის ვადაში .

მუხლი 4. ხელშეკრულების ღირებულება

4.1 ხელშეკრულების ღირებულება განისაზღვრება 237.18 (ორას ოცდაჩვიდმეტი ლარი და 18 თეთრი) ლარის ოდენობით, საქართველოს კანონმდებლობით დადგენილი შესაბამისი გადასახადების გათვალისწინებით. ანგარიშსწორება მოხდება საზოგადოების საკუთარი შემოსავლების ფარგლებში.

მუხლი 5. ანგარიშსწორება

5.1 ანგარიშსწორება მოხდება წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად, გამოწერილი ანგარიშ-ფაქტურის საფუძველზე, ფაქტიურად მიღებული საქონლისათვის, მიღება-ჩაბარების აქტის გაფორმებიდან 10 (ათი) სამუშაო დღის ვადაში.

5.2 ანგარიშსწორების ვალუტა _ ლარი;

5.3 ანგარიშსწორების ფორმა _ უნაღდო;

5.4 ხელშეკრულების ღირებულების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში.

მუხლი 6. მხარეთა პასუხისმგებლობა

6. .1 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

6.2 მიმწოდებელი და შემსყიდველი პასუხს აგებენ მათთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ბრალეული ქმედებით დამდგარი ყველა სახის ზიანი.

6.3 მიმწოდებლის ან/და შემსყიდველის მიერ მისი ვალდებულებების შეუსრულებლობის ან არასათანადოდ შესრულების შემთხვევაში მას ეკისრება პირგასამტეხლო შეუსრულებელი ვალდებულების ღირებულების 0,1% ოდენობით ყოველ ვადაგადაცილებულ დღეზე.

6.4 იმ შემთხვევაში, თუ „მიმწოდებელზე ან/და შემსყიდველზე” დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 (ერთი) პროცენტს, „მხარეები” იტოვებენ უფლებას შეწყვიტონ ხელშეკრულება და მოითხოვონ შესაბამისი პირგასამტეხლო 10%-ის ოდენობით.

6.5 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

6.6 მიმწოდებლის ან/და შემსყიდველის მიერ ხელშეკრულების პირობების შეუსრულებლობის შემთხვევაში მხარეებს შეუძლიათ მიიღონ გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

6.7 თუ მხარეები მიიღებენ ასეთ გადაწყვეტილებას ვალდებულნი არიან შეატყობინონ ერთმანეთს მიღებული გადაწყვეტილება, კანონმდებლობით დადგენილი წესით.

6.8 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

მუხლი 7. ხარისხი

7.1 მიმწოდებელი პასუხს აგებს მოწოდებული საქონლის ხარისხზე და იძლევა გარანტიას რომ იქნება მაღალი ხარისხის და შესაბამისობაში იქნება მოქმედ სტანდარტებთან, წინააღმდეგ შემთხვევაში საკუთარი ხარჯებით აღმოფხვრის ნებისმიერი სახის დაზიანებასა და ნაკლს.

მუხლი 8. საქონლის ხელშეკრულების პირობებთან შესაბამისობის დადგენის და მიღება ჩაბარების წესი

8.1 საქონლის მიწოდება დასტურდება შემსყიდველს და მიმწოდებელს შორის მიღება-ჩაბარების აქტის გაფორმებით.

8.2 შემსყიდველი უფლებამოსილია განაცხადოს უარი დაგვიანებით ან უხარისხოდ (წუნდებული) მიწოდებულ საქონელზე. ასეთ შემთხვევაში შემსყიდველი თავისუფლდება ხელშეკრულების ღირებულების გადახდის ვალდებულებისაგან.

8.3 საქონლის ხელშეკრულების პირობებთან შესაბამისობის დადგენას და მიღება ჩაბარებას უზრუნველყოფენ შპს „ბლექ სი არენა ჯორჯიას“ ტექნიკური დეპარტამენტის უფროსი კობი მანჯგალაძე.

მუხლი 9. მხარეთა უფლება-ვალდებულებები

9.1 მიმწოდებელი ვალდებულია:

ა) მიაწოდოს შემსყიდველს ხელშეკრულებით გათვალისწინებული საქონელი, წინამდებარე ხელშეკრულების პირობების შესაბამისად.

ბ) განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხებზე.

გ) აუნაზღაუროს შემსყიდველს მიყენებული ზიანი, რაც გამოწვეულია ვალდებულებების არაჯეროვანი შესრულებით.

დ) დაუყოვნებლივ აცნობოს შემსყიდველს ისეთი გარემოების შესახებ, რომელმაც შეიძლება ზიანი მიაყენოს შემსყიდველს ან გამოიწვიოს სხვა უარყოფითი შედეგი.

9.2 შემსყიდველი ვალდებულია:

ა) დროულად აცნობოს მიმწოდებელს მიწოდებულ საქონელთან დაკავშირებული ხარვეზების შესახებ;

ბ) გადაიხადოს ხელშეკრულების ღირებულება.

მუხლი 10. ფორს-მაჟორი

10.1 წინამდებარე ხელშეკრულებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებელისა და/ან შემსყიდველის შეცდომებსა და დაუდევრობასთან. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.2 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.3 ფორს-მაჟორული სიტუაციის 10 დღეზე მეტი ხნით გაგრძელების შემთხვევაში მხარეები უფლებამოსილნი არიან ცალმხრივად შეწყვიტონ ხელშეკრულება, რაც დაუყოვნებლივ უნდა ეცნობოს მეორე მხარეს.

მუხლი 11. ხელშეკრულების მოქმედების ვადა

11.1. ხელშეკრულება ძალაში შედის ხელმოწერის დღიდან და მოქმედებს მხარეთა მიერ ამ ხელშეკრულებით წარმოშობილი ვალდებულებების სრულად შესრულებამდე, მაგრამ არაუმეტეს 2019 წლის 30 სექტემბრის ჩათვლით.

მუხლი 12. სხვა პირობები

12.1 მხარეთა შორის სადაო საკითხები წყდება ურთიერთმოლაპარაკების გზით. შეთანხმების მიუღწევლობის შემთხვევაში მხარეები უფლებამოსილნი არიან მიმართონ საქართველოს სასამართლოს.

12.2 ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა ან მათი უფლებამოსილი წარმომადგენლების მიერ ხელმოწერით.

12.3 მხარეები უფლებამოსილნი არიან მოშალონ წინამდებარე ხელშეკრულება ცალმხრივად, თუ მეორე მხარე ვერ უზრუნველყოფს ნაკისრი ვალდებულებების ჯეროვან შესრულებას ან საქართველოს კანონმდებლობით გათვალისწინებულ სხვა შემთხვევებში.

12.4 ხელშეკრულება შედგენილია ქართულ ენაზე სამ ეგზემპლარად, რომელთაგან ერთი გადაეცემა მიმწოდებელს, ხოლო ორი შემსყიდველს და თითოეულს გააჩნია თანაბარი იურიდიული ძალა.

მხარეთა რეკვიზიტები:

„დამკვეთი“

შპს „ბლექ სი არენა ჯორჯია“
ს/კ: 405158804
მის: სოფ. ნატანები (შეკვეთილი)
სს „თი ბი სი“ ბანკი
საბანკო კოდი: TBCBGE22
ა/ა: GE37TB7894634050100002

დირექტორი

ტარიელ ხარჩილავა

„მიმწოდებელი“

შპს „ტელკო სისტემს“
ს/კ: 205203279
მის: ქ. თბილისი, თბილისი, ნუცუბიძის #221
სს „თი ბი სი“ ბანკი
საბანკო კოდი: TBCBGE22
ა/ა: GE75TB4021536020100006

დირექტორი

ირაკლი გულიაშვილი

დანართი N1.

N	დასახელება	რაოდენობა	ღირებულება (ლარი) დღგ-ს ჩათვლით	სულ თანხა დღგ-ს ჩათვლით
1	FTP CAT5E 24AWG CCA Grey 305m (ქსელის კაბელი)	2	118.59	237.18
სულ ღირებულება დღგ-ს ჩათვლით:				237.18

მხარეთა რეკვიზიტები:

„დამკვეთი“

შპს „ბლექ სი არენა ჯორჯია“
ს/კ: 405158804
მის: სოფ. ნატანები (შეკვეთილი)
სს „თი ბი სი“ ბანკი
საბანკო კოდი: TBCBGE22
ა/ა: GE37TB7894634050100002

„მიმწოდებელი“

შპს „ტელკო სისტემს“
ს/კ: 205203279
მის: ქ. თბილისი, თბილისი, ნუცუბიძის #221
სს „თი ბი სი“ ბანკი
საბანკო კოდი: TBCBGE22
ა/ა: GE75TB4021536020100006

დირექტორი

ტარიელ ხარჩილავა

დირექტორი

ირაკლი გულიაშვილი